



দি রোজ ড্রেসেস লিঃ ইসলাম গার্মেন্টস লিঃ ইসলাম ড্রেসেস লিঃ	স্বাস্থ্য নিরাপত্তা সংক্রান্ত নীতিমালা (Health & Safety Policy)		
মোট পৃষ্ঠা - ০৪	কার্যকরের তারিখ ৩১.০১.২০১১	সর্বশেষ নবায়নের তারিখ ০২.০১.২০২১	পরবর্তী নবায়নের তারিখ ০২.০১.২০২২

দপরিধিঃ এই নীতিমালা ইসলাম গার্মেন্টস এন্ড গ্রুপ অব ইন্ডাস্ট্রিজ এর সকল কর্মকর্তা, কর্মচারী ও শ্রমিক সহ বোর্ড অব ডিরেক্টর এর অন্যান্য সদস্যের জন্যও একইভাবে প্রযোজ্য। তথ্যের প্রয়োজনীয়তা অনুসারে এই নীতিমালা ইসলাম গার্মেন্টস এন্ড গ্রুপ অব ইন্ডাস্ট্রিজ এর ঠিকাদার এবং সরবরাহকারীদের জন্যও প্রযোজ্য। এই নীতিমালা প্রযোজ্য হবে স্বাস্থ্য নিরাপত্তা সংক্রান্ত নীতিমালা হিসাবে এ নীতিমালাটি ইসলাম গার্মেন্টস এন্ড গ্রুপ অব ইন্ডাস্ট্রিজ এর জন্য খুবই গুরুত্বপূর্ণ।

স্বাস্থ্য নিরাপত্তা সংক্রান্ত সংক্রান্ত নীতিমালার সূচীপত্র		
ক্রমিক নং	বিষয়বস্তু	পৃষ্ঠা নং
১	ভূমিকা	২
২	বুকিপূর্ণ কাজে নিয়োজিত কর্মীর স্বাস্থ্য পরীক্ষা	২
৩	স্বাস্থ্য ও নিরাপত্তা নীতি (কেমিক্যাল)	২
৪	স্বাস্থ্য নিরাপত্তা নীতি (আত্মরক্ষা)	২
৫	কর্মপদ্ধতি নিয়ন্ত্রণ, অগ্নি নিরাপত্তা সতর্কতা	২
৬	যন্ত্রপাতি ঘিরিয়া রাখা, স্বয়ংক্রিয় যন্ত্রপাতি	২-৩
৭	মেঝে, সিঁড়ি, এবং চলাচল পথ, চোখের নিরাপত্তা	২
৮	আত্মরক্ষার সরঞ্জামাদি (PPE) ও তার ব্যবহারবিধি	৩
৯	বায়ু চলাচলাচলের ব্যবস্থা ও তাপমাত্রা	৩
১০	খাবারের পারি ব্যবস্থা ও পরীক্ষাকরণ	৩
১১	শৌচাগার, শব্দ নিয়ন্ত্রন ও বৈদ্যুতিক নিরাপত্তা	৩-৪
১২	অগ্নিকাণ্ড সম্পর্কীয় সতর্কতা	৪
১৩	অগ্নি নির্বাপক যন্ত্রপাতি এবং পানি সরবরাহ	৪
১৪	বিস্ফোরক, দাহ্য, ধোঁয়া, গ্যাস	৪
১৫	উপসংহার	৪

অবদানকারী	নাম	পদবী	যোগাযোগের মাধ্যম
অনুমোদনকারী	কোম্পানী পরিচালনা পর্ষদ		
ইস্যুকারী	কোম্পানী পরিচালনা পর্ষদ		
কর্তৃপক্ষ	ব্রিগেডিয়ার জেনারেল মোঃ মনোয়ার সালেহিন, এনডিসি, পিএসসি(অব:)	নির্বাহী পরিচালক	monwar.salehin@islam-garments.com

যে সব নথীপত্রের সহায়তা নেয়া হয়েছে	
বাংলাদেশ শ্রম আইন ২০০৬ সংশোধনসহ	
বাংলাদেশ শ্রম বিধিমালা ২০১৫	
কারখানার ব্যবসায়িক আচরণ বিধি ও নৈতিকতা	
সরবরাহকারীর নৈতিকতা বিধি	



দি রোজ ড্রেসেস লিঃ ইসলাম গার্মেন্টস লিঃ ইসলাম ড্রেসেস লিঃ	স্বাস্থ্য নিরাপত্তা সংক্রান্ত নীতিমালা (Health & Safety Policy)		
মোট পৃষ্ঠা - ০৪	কার্যকরের তারিখ ৩১.০১.২০১১	সর্বশেষ নবায়নের তারিখ ০২.০১.২০২১	পরবর্তী নবায়নের তারিখ ০২.০১.২০২২

ভূমিকাঃ

অত্র কারখানার সকল কর্মীগণকে সর্বোচ্চ স্বাস্থ্য সুবিধা প্রদান করে থাকে। অত্র কারখানায় সুসজ্জিত ও পর্যাপ্ত সুবিধা সংক্রান্ত একটি স্বাস্থ্য সেবা কেন্দ্র রয়েছে। উক্ত স্বাস্থ্য সেবা কেন্দ্রে দুইজন রেজিস্টার্ড চিকিৎসক, তিনজন মেডিকেল সহকারি ও একজন নার্স রয়েছে। এছাড়াও প্রত্যেক ফ্লোরে পর্যাপ্ত ফাষ্ট এইড ব্যাকসহ প্রশিক্ষণ প্রাপ্ত পর্যাপ্ত সংখ্যক ফার্স্ট এইড কর্মী রয়েছে। ফার্স্ট এইড বক্সটি প্রাথমিক চিকিৎসার জিনিসপত্রসহ ফার্স্ট এইড কর্মীর অধীনে সংরক্ষিত থাকে। নিয়মিতভাবে ফার্স্ট এইড কর্মীগণকে প্রশিক্ষণ প্রদান করা হয়ে থাকে। এছাড়াও কর্মক্ষেত্রে কর্মীদের জন্য স্বাস্থ্যকর ও আরামদায়ক করার জন্য পর্যাপ্ত পরিমাণ আলো বাতাস প্রবেশের ব্যবস্থা রয়েছে, প্রত্যেক ফ্লোরে কর্মীদের জন্য সহজে প্রাপ্য বিশুদ্ধ পানি পান করার ব্যবস্থা রয়েছে, ফ্লোরে পর্যাপ্ত আলোর ব্যবস্থা রয়েছে ও জখম প্রাপ্ত কর্মীগণের জন্য ইনজুরী রেজিস্টার রয়েছে।

ঝুঁকিপূর্ণ কাজে নিয়োজিত কর্মীর স্বাস্থ্য পরীক্ষা :

অত্র কারখানায় ঝুঁকিপূর্ণ কাজে নিয়োজিত কর্মীর স্বাস্থ্য পরীক্ষা সংক্রান্ত বিষয়টি গুরুত্বপূর্ণ হিসেবে বিবেচনা করা হয়। কারখানায় ঝুঁকিপূর্ণ কোন কাজে কর্মী নিয়োগ করলে নিয়োগের তিন মাসের মধ্যে কর্মীকে কারখানা কর্তৃক সম্পূর্ণ বিনা মূল্যে স্বাস্থ্য পরীক্ষা করানো হয়। অত্র কারখানায় যে সকল কর্মী ঝুঁকিপূর্ণ কাজে নিয়োজিত রয়েছে তাদের সকলকেই অত্র কারখানা কর্তৃক সম্পূর্ণ বিনা মূল্যে কমপক্ষে বছরে একবার স্বাস্থ্য পরীক্ষা করানো হয়। স্বাস্থ্য পরীক্ষার আওতায় রয়েছে যে সকল কর্মী তা নিম্নরূপ ,
যেমন, স্পট ম্যান, ক্যান্টিন বয়, চাইল্ডকেয়ার টেকার, কুক, বয়লার অপারেটর, জেনারেটর অপারেটর, ইলেকট্রিশিয়ান ইত্যাদি।

স্বাস্থ্য ও নিরাপত্তা নীতি (কেমিক্যাল) :

অত্র কারখানায় স্বাস্থ্য ও নিরাপত্তা নীতি (কেমিক্যাল) ব্যবহার এর ক্ষেত্রে নিম্নলিখিত নীতিগুলো অনুসরণ করে থাকে যেমন;
কেমিক্যাল ক্রয়ের ক্ষেত্রে (বাতিল ক্যামিকেল ব্যতীত) কোম্পানীর সু নির্দিষ্ট ক্রয় নীতিমালা অনুসরণ করা হয়ে থাকে, খরিদকৃত কেমিক্যাল টেকনিক্যাল ডাটা ও এমএসডিএস অনুসারে আন্তর্জাতিক মান সম্পন্ন ল্যাবে পরীক্ষা করা হয়ে থাকে। খরিদকৃত কেমিক্যাল এমএসডিএস এর নির্দেশনা মোতাবেক ষ্টোরে সংরক্ষণ করা হয়ে থাকে। কেমিক্যাল ব্যবহারকারী তার ব্যক্তিগত সুরক্ষা সরঞ্জাম ব্যবহার করে ক্যামিক্যাল সংক্রান্ত কাজ করতে পারবে। মেয়াদউত্তীর্ণ কোন কেমিক্যাল ব্যবহার করা হয় না, কেমিক্যাল নিয়ে কর্মরত সকল কর্মীকে আইনানুযায়ী স্বাস্থ্য স্বাস্থ্য পরীক্ষা করানো হয়ে থাকে। ব্যবহৃত কেমিক্যালের উচ্চিষ্টাংশ বা বর্জ্য ইনফ্লুয়েন্ট ট্রিটমেন্ট প্লান্টের মাধ্যমে পরিশোধন ব্যতীত ড্রেনে ফালানো হয় না। অনুমোদিত ব্যক্তি ব্যতীত অন্য কোন ব্যক্তি কেমিক্যাল ষ্টোরে প্রবেশ করতে পারবে না। কেমিক্যাল টেকনিক্যাল ডাটা এমএসডিএস সেফটি সাইন/সংকেত ইত্যাদি সংক্রান্ত বিষয়ে নিয়মিত প্রশিক্ষণ প্রদান করা হয়ে থাকে।

স্বাস্থ্য নিরাপত্তা নীতি (আত্মরক্ষা):

অত্র কারখানায় কর্মীদের সর্বোচ্চ নিরাপত্তার লক্ষ্যে একটি লিখিত সরঞ্জামাদি ব্যবহারের আত্মরক্ষামূলক কর্মপদ্ধতি আছে। শ্রম আইন অনুযায়ী কারখানাকে রক্ষা কিংবা পরিচালনার জন্য যেমন কর্মীর প্রয়োজন তেমনি তাদের রক্ষা করার জন্য কারখানায় কতিপয় নিরাপত্তামূলক ব্যবস্থা রাখা অপরিহার্য।

কর্মপদ্ধতি নিম্নরূপ :

অত্র কারখানায় কর্মীদের সঠিক পিপিই আত্মরক্ষামূলক সরঞ্জামাদি ব্যবহার সম্পর্কিত প্রশিক্ষণের ব্যবস্থা করা হয়ে থাকে। কর্মীরা সঠিক পিপিই ব্যবহার করছে কিনা তা নিশ্চিত করার লক্ষ্যে সংশ্লিষ্ট ফ্লোরের সুপারভাইজার মনিটরিং করেন এবং সে অনুযায়ী ব্যবস্থা গ্রহণ করে থাকেন। সকল কর্মীগণকে সংশ্লিষ্ট আত্মরক্ষামূলক যন্ত্রাদি ব্যবহারের লিখিত ব্যবহারবিধি প্রদান করা হয়ে থাকে।

অগ্নি নিরাপত্তা সর্তকতা :

অত্র কারখানায় বাংলাদেশ শ্রম আইন-২০০৬ মোতাবেক অগ্নি নির্বাপনের সময় দ্রুত বের হয়ে যেন নিরাপদ আশ্রয়ে যেতে পারে, সে জন্য প্রশস্ত পথ, হুশিয়ারী সংকেত, অগ্নি নির্বাপন সকল যন্ত্রপাতির সু ব্যবস্থা রয়েছে।

যন্ত্রপাতি ঘিরিয়া রাখা :

অত্র কারখানায় বাংলাদেশ শ্রম আইন ২০০৬ মোতাবেক ট্রান্সমিশন যন্ত্রের প্রত্যেকটি অংশ অন্যান্য যে কোন যন্ত্রের প্রত্যেকটি বিপজ্জনক অংশ সু-দৃঢ়ভাবে ঘিরিয়া রাখার ব্যবস্থা করা। চলন্ত যন্ত্রপাতিতে বা তাহার নিকটে কাজ করা শ্রম আইন মোতাবেক যে কোন মেশিনের চালু বা পরীক্ষা করার প্রয়োজন হলে বা অন্য কোন এডজাষ্টিং অপারেশনের প্রয়োজন হলে ট্রেনিং প্রাপ্ত লোক/ টেকনিশিয়ান দিয়ে তদন্ত করার ব্যবস্থা গ্রহণ করা হয়

স্বয়ংক্রীয় যন্ত্রপাতি :

অত্র কারখানায় বাংলাদেশ শ্রম আইন ২০০৬ এর নির্দেশনা মোতাবেক স্বয়ংক্রীয় যন্ত্রপাতি রয়েছে যা পার্শ্ববর্তী চলাচলের পথ ১৮ ইঞ্চি বা ৪৫ সেংমিঃ-এর উপরে রয়েছে।



দি রোজ ড্রেসেস লিঃ ইসলাম গার্মেন্টস লিঃ ইসলাম ড্রেসেস লিঃ	স্বাস্থ্য নিরাপত্তা সংক্রান্ত নীতিমালা (Health & Safety Policy)		
মোট পৃষ্ঠা - ০৪	কার্যকরের তারিখ ৩১.০১.২০১১	সর্বশেষ নবায়নের তারিখ ০২.০১.২০২১	পরবর্তী নবায়নের তারিখ ০২.০১.২০২২

মেঝে, সিঁড়ি, এবং চলাচল পথ :

শ্রম আইন মোতাবেক মেঝে, সিঁড়ি, এবং চলাচল পথ মজবুত ভাবে নির্গমন ও ধরার রেলিং এর ব্যবস্থা এবং যথাযুক্তভাবে নিরাপত্তামূলকভাবে নির্গমন প্রবেশ ও বহিগমনের পথের ব্যবস্থা করতে হবে।

চোখের নিরাপত্তা :

শ্রম আইন মোতাবেক অতিরিক্ত আলোকচহটা বা তাপের ফলে চোখের ক্ষতির আশংকা থাকলে ঐ সকল কাজে নিযুক্ত শ্রমিকের নিরাপত্তার জন্য কার্যকর পর্দা/চশমার ব্যবস্থা করা হয়ে থাকে। শ্রম আইন মোতাবেক ২৪ ভোল্টের বেশী কোন রকম বহন যোগ্য বৈদ্যুতিক আলো উল্লেখিত স্থানে ব্যবহার করা যাইবেনা। শ্রম আইন মোতাবেক স্বাস্থ্য ও নিরাপত্তা জন্য ক্ষতিকর রাসায়নিক পদার্থের নোটিশ ও ব্যবহারের ক্ষেত্রে সতর্কতা অবলম্বন করার নোটিশের ব্যবস্থা রয়েছে। শ্রম আইন মোতাবেক যে কোন ধরনের দুর্ঘটনা ঘটলে রেজিষ্টারে লিপিবদ্ধ করা এবং লিখিত বিবরণের একটি কপি মালিক প্রত্যেক বছরের ৩০ শে জুন এবং ৩১ শে ডিসেম্বর-এর পরবর্তী ১৫ দিনের মধ্যে প্রধান শ্রম পরিদর্শককে অবহিত করার ব্যবস্থা করতে হবে। কারখানায় বায়ু চলাচলের জন্য পর্যাপ্ত দরজা, জানালা ও এগজস্ট ফ্যানের ব্যবস্থা রয়েছে

আত্মরক্ষার সরঞ্জামাদি (PPE) ও তার ব্যবহারবিধি :

হাত মোজা (Hand Gloves) : অত্র কারখানায় কর্মরত সকল কর্মীগণই নির্দিষ্ট ও সঠিক পিপিই ব্যবহার করা বাধ্যতামূলক। প্রথমেই দেখে নিন আপনাকে যে হাত মোজাটি দেওয়া হয়েছে তা আপনার হাতে সঠিক ভাবে লাগছে কিনা ?

মুখোশ (Mask) : অত্র কারখানায় যারা ফ্লোরের কাজের সাথে জড়িত আছেন তাদের জন্য মাস্ক এর ব্যবহার অত্যন্ত জরুরী। প্রথমে দেখে নিন যে মাস্কটি আপনাকে দেওয়া হয়েছে তা আপনার মাপ মত হয়েছে কিনা ? এটির সমস্ত অংশ সঠিক আছে কিনা ?

একাধিকবার আপনার নাক এবং মুখে স্থাপন করে নিশ্চিত হোন যে এটি আপনার কোন প্রকার অসুবিধার সৃষ্টি করছে কিনা ?

প্রত্যেকদিন এটি পরীক্ষা করুন এবং ত্রুটি পরিলক্ষিত হলে সাথে সাথে সংশ্লিষ্ট বিভাগকে অবহিত করে পরিবর্তন করে নিন।

এই মাস্কটি ব্যবহার করলে আপনার নাক ও মুখের মাধ্যমে কোন ময়লা/ধূলাবালি দেহভাগের প্রবেশ করবে না। তাই এটি ব্যবহারে যত্নবান হোন।

কানের ছিপি (Ear plug) : কানে ছিপিটি অথবা ইয়ার মাফটি এমনভাবে পরতে হবে যাতে বাহিরের শব্দ কানে প্রবেশ করতে না পারে।

চশমা (Eye Protector) : যারা রাসায়নিক পদার্থ ব্যবহার করে এবং ওভার লক, বারটেক, সুইং মেশিন অপারেটর করে তারা চশমা ব্যবস্থা করি, যাতে এসিড কিংবা বোতামের ভাস্মা আংশ চোখের কোন ক্ষতি করতে না পারে। কোন ত্রুটি পরিলক্ষিত হলে সাথে সাথে দায়িত্বপ্রাপ্ত সুপারভাইজারকে অবহিত করা এবং পরিবর্তন করে নেওয়া

বায়ু চলাচলাচলের ব্যবস্থা ও তাপমাত্রা :

অত্র কারখানায় পর্যাপ্ত বায়ু চলাচল ব্যবস্থা রয়েছে। কর্তৃপক্ষ নিয়মিত ভাবে (নির্দিষ্ট সময় পর পর/মাসে অন্তত ১ বার) বিভিন্ন স্থানের তাপমাত্রা পরিমাপ করবে এবং তার রেকর্ড সংরক্ষনের ব্যবস্থা করে থাকেন।

খাবারের পানির ব্যবস্থা ও পরীক্ষাকরন :

অত্র কারখানায় নিযুক্ত কর্মীগণ পান করার জন্য যথোপযুক্ত/নির্দিষ্ট স্থানে সর্বক্ষণ বিশুদ্ধ খাবার পানির সুব্যবস্থা রয়েছে। কর্মীগণ তাদের নিজস্ব বোতলে পানি সংগ্রহ করা এবং প্রয়োজনে সেখান থেকে পানি পান করতে পারেন। প্রতিটা খাবার পানির ফিল্টার নিকটে একটা করে গ্রাস/মগের ব্যবস্থা রয়েছে। খাবার পানির ফিল্টার নিকটে পানির টেস্ট রিপোর্ট ঝুলানো রয়েছে। অত্র কারখানায় নিয়মিত খাবার পানির পরীক্ষা করানো হয় এবং রিপোর্ট সংরক্ষন ও প্রদর্শন করা হয়। খাবার পানির স্যাম্পল প্রশাসন বিভাগের তত্ত্বাবধানে পরীক্ষাগারের বোতলে, ফিল্টার আউটলেট ট্যাপ থেকে সংগ্রহ করে পরীক্ষাগারে প্রেরণ করা হয়ে থাকে। উল্লেখ্য যে, কমপক্ষে ৯টি প্যারামিটার পরীক্ষা করাতে হবে। এ কাজটি সর্বদা মেয়াদ শেষ হওয়ার পূর্বেই করানো হয়ে থাকে।

শৌচাগার :

অত্র কারখানায় পুরুষ ও মহিলা শ্রমিকদের জন্য পৃথক পৃথক শৌচাগারের ব্যবস্থা রয়েছে। শৌচাগার যথোপযুক্তভাবে স্বাস্থ্যসম্মত উপায়ে পরিষ্কার অথবা জীবাণুনাশক দিয়ে সবসময় পরিষ্কার পরিচ্ছন্ন করে রাখা হয়। বাংলাদেশ শ্রম আইন ও শ্রম বিধিমালা ২০১৫ এর নির্দেশনা মোতাবেক পুরুষ ও মহিলাদের জন্য পর্যাপ্ত শৌচাগারের ব্যবস্থা রয়েছে।

শব্দ নিয়ন্ত্রন :

অত্র কারখানায় শব্দ দূষণ রোধে প্রয়োজনীয় পদক্ষেপ নেওয়া হয়েছে। শব্দের স্বাভাবিক সহনীয় মাত্রা ৭৫ - ৮৫ ডেসিবেল।

বৈদ্যুতিক নিরাপত্তা :

বৈদ্যুতিক নিরাপত্তার জন্য নিম্নলিখিত ব্যবস্থা গ্রহণ করা হয়ে থাকে:



দি রোজ ড্রেসেস লিঃ ইসলাম গার্মেন্টস লিঃ ইসলাম ড্রেসেস লিঃ	স্বাস্থ্য নিরাপত্তা সংক্রান্ত নীতিমালা (Health & Safety Policy)		
মোট পৃষ্ঠা - ০৪	কার্যকরের তারিখ ৩১.০১.২০১১	সর্বশেষ নবায়নের তারিখ ০২.০১.২০২১	পরবর্তী নবায়নের তারিখ ০২.০১.২০২২

কাজের শুরু/শেষে ইউনিট/ফ্লোরের সমস্ত বৈদ্যুতিক সংযোগ বন্ধ করে রেজিষ্টারে লিপিবদ্ধ করা হয়। বয়লার কক্ষ পরিদর্শন উপযোগী করে গড়ে তোলা। বাষ্প লাইনে ছিদ্র বা লিকেজ এবং কোন খোলা পাইপ না থাকা। কোথাও কোন খোলা তার না থাকা। ডি. বি. বোর্ড ডেঞ্জার পে-ট লাগানো থাকবে এবং এর আশে পাশে বৈদ্যুতিক শকের চিকিৎসার নিয়মাবলীর পোস্টার রাখা। ডি. বি. বোর্ডগুলি পরিষ্কার, পরিচ্ছন্ন ও আশে পাশে কোন মালামাল না থাকা। প্রতিটি আয়রন সকেট থেকে বিচ্ছিন্ন না করে কর্মস্থল ত্যাগ না করা। প্রতিটা আয়রন বা ভ্যাকুয়াম আয়রন পুরাপুরি সঠিকভাবে আয়রন স্ট্যান্ড এর উপর রাখা। আয়রন ব্যবহারকারীকে প্লাস্টিক ম্যাট অথবা কাঠের পিড়ি/পাটাতনের উপর দাঁড়িয়ে কাজ করা। সকল মেশিনে মটর পুলিকভার রাখা। কোন মটর, ফ্যান, মেশিনের বাজে শব্দ না থাকা। কোন প্রকার ভাংগা বা পোড়া প্লাগ, সকেট, সুইচ না রাখা। টিউব লাইটের স্টারটার সঠিকভাবে থাকতে হবে যেন সমস্ত লাইট এক সংগে জ্বলে উঠে। মটর বা মেশিনের তারগুলি সুন্দরভাবে ড্রেসিং করা থাকতে হবে। সব চ্যানেলগুলি পরিষ্কার পরিচ্ছন্ন থাকতে হবে। ভিতরে কোন ডাস্ট থাকবে না। টিউব লাইটের শেডের উপর ডাস্ট জমতে দেওয়া যাবে না। কারন ডাস্ট আঙুন ধরতে সহায়তা করে। কোন বৈদ্যুতিক তারে আঙুন ধরে গেলে কিংবা তারের কোন অংশ থেকে ধোয়া বের হলে কী করণীয় তা লিখে টাঙ্গিয়ে রাখতে হবে।

অগ্নিকান্ড সম্পর্কীয় সতর্কতাঃ

কোন রুম থেকে বহির্গমন হবার দরজাগুলো তালাবদ্ধ বা শক্ত করে আটকানো অবস্থায় রাখা হয়না এবং প্রতিটি দরজা এমনভাবে তৈরী করা যাতে বাহিরের দিক থেকে সহজে খোলা যায় (যেন ভেতর থেকেও তা সহজে খোলা যায়)। ভেতরে কাজ চলাকালীন সময়ে রুমের/ফ্লোরের কোন দরজা তালাবদ্ধ অবস্থায় রাখা হয়না কিংবা তাতে প্রতিবন্ধকতা থাকে না। বেশীর ভাগ শ্রমিকের বোধগম্য ভাষায় (বাংলায়) প্রতিটি কারখানায় সকল জরুরী বহির্গমন পথ সুস্পষ্টভাবে চিহ্নিত করা আছে। কোন কারখানা ভবনের প্রতিটি ফ্লোরের কমপক্ষে দুটি করে জরুরী বহির্গমন পথ থাকতে হবে এবং অনুরূপ কোন বহির্গমন পথ প্রস্থে ৩২ ইঞ্চি এবং উচ্চতায় সাড়ে ছয় ফুটের কম হবে না। প্রতিটি কারখানায় কর্মরত সকল শ্রমিককে অগ্নিকান্ড সম্পর্কে কার্যকর ও সহজে শ্রবণযোগ্য (PA Public Announcement System) উপায়ে হুশিয়ারি/সতর্কতা দেয়ার ব্যবস্থা আছে। প্রতিটি কারখানায় ভবনের ভিতরে বা বাহিরের দিকে স্থায়ীভাবে নির্মিত রেলিংসহ কমপক্ষে দুটো সিড়ির ব্যবস্থা আছে এবং সিড়িগুলো দিয়ে নীচতলা পর্যন্ত সরাসরি এবং বাধাহীন যাতায়াতের ব্যবস্থা রয়েছে (অর্থাৎ নিয়মিত মাসে দুইটি অগ্নিনির্বাপন মহড়ার ব্যবস্থা করা হয়)। কাজের স্থান থেকে বহির্গমন পথ পর্যন্ত যাতায়াত যথোপযুক্তভাবে বাধাহীন ও খোলামেলা আছে। অগ্নিকান্ডের সময় আত্মরক্ষা বা জরুরী নির্গমন/পলায়নের ব্যবস্থা সম্পর্কে শ্রমিকগণ অবহিত আছেন এবং এধরনের দুর্ঘটনার সময় আত্মরক্ষা সংক্রান্ত পর্যাণ্ড প্রশিক্ষণ পেয়েছেন তা নিশ্চিত করার জন্য প্রতিটি কারখানায় ব্যবস্থা নেয়া হয়েছে।

অগ্নি নির্বাপক যন্ত্রপাতি এবং পানি সরবরাহঃ

প্রতিটি কারখানায় প্রতি তলায় প্রতি ১০০০ বর্গফুট এলাকার জন্যে কমপক্ষে দুই গ্যালন ধারণক্ষমতাসম্পন্ন দুটি করে এবং প্রয়োজনে সর্বনিম্ন চারটি অগ্নি নির্বাপন কাজে ব্যবহৃত বালিভর্তি বালতি রাখা আছে। সকল কারখানার প্রতিটি অগ্নি নির্বাপক যন্ত্রকে ব্যবহার উপযোগী অবস্থায় রাখা হয়েছে এবং উহা ফ্লোর পরিদর্শক কর্তৃক অনুমোদন সাপেক্ষে উপযুক্ত স্থানে স্থাপন করা আছে। প্রতি কারখানায় প্রত্যেক ধরনের অগ্নি নির্বাপক যন্ত্রের জন্য পর্যাপ্ত পরিমাণ খুচরা যন্ত্রাংশ মজুদ রাখা আছে। প্রয়োজনে ব্যবহার করা যাবে এমন অবস্থায় সর্বোচ্চ ১২ টি খুচরা যন্ত্রাংশ মজুদ আছে। প্রত্যেক শ্রমিককে ক্ষেত্রবিশেষ কারখানার প্রতিটি বিভাগে নিয়োজিত শ্রমিকদের অন্তত এক-চতুর্থাংশকে বহনযোগ্য অগ্নিনির্বাপক যন্ত্রের (ফায়ার এক্সটিংগুইসার) ব্যবহার সম্পর্কে প্রশিক্ষণ দেয়া আছে এবং এটি একটি চলমান প্রক্রিয়া। সকল অগ্নিনির্বাপক সরঞ্জামাদির যথাযথ রক্ষণাবেক্ষণ করার জন্য প্রত্যেক কারখানায় একজন প্রশিক্ষণপ্রাপ্ত কর্মকর্তা আছেন। **বিস্ফোরক, দাহ্য, ধোঁয়া,**

গ্যাসঃ

কোন বিশেষ ধরনের দ্রব্য উৎপাদনের কারণে ধোঁয়া, গ্যাস বা বাষ্প যদি এমন প্রকৃতির হয় যে, আঙনের সংস্পর্শে আসলে তাতে বিস্ফোরন ঘটতে পারে, সে ক্ষেত্রে উক্ত বিস্ফোরন পরিহারের জন্য যাবতীয় কার্যকর ব্যবস্থা গ্রহন করা হয়েছে। এ ধরনের ব্যবস্থাগুলোর মধ্যে রয়েছে- উৎপাদন প্রক্রিয়ায় ব্যবহৃত যন্ত্রের বা কলকজার কার্যকর নির্গমন মুখ, উৎক্ষিপ্ত ধূলিকনা, ধোঁয়া, গ্যাস বা বাষ্প অপসারণ বা প্রতিরোধ ব্যবস্থা এবং আঙনের সংস্পর্শে আসার যাবতীয় উপায় বন্ধ করা।

উপসংহারঃ

কর্তৃপক্ষ এই নীতিমালার প্রয়োগ এবং বাস্তবায়নের ক্ষেত্রে খুবই আন্তরিক। এই নীতিমালা সময়ের সাথে সাথে পরিমার্জন, পরিবর্ধন ও উন্নয়নের সুযোগ থাকবে।




M.M. SALEHIN
Executive Director
Islam Dresses Ltd.
Tangora, Ashulia, Savar, Dhaka.